



Na osnovu Sporazuma broj: 02-45-15316/25 od 23.07.2025. godine, koji je potpisao Grad Zenica i Muslim Aid Association Sarajevo i Programa mjera za utrošak podsticajnih sredstava u oblasti poljoprivrede u 2025. godini na području Grada Zenica broj: 01-45-8965/25 od 10.04.2025. godine, Gradonačelnik donosi:

**JAVNI POZIV
za podnošenje zahtjeva za dodjelu steonih junica**

I OPŠTE INFORMACIJE

Grad Zenica, u saradnji sa nevladinom organizacijom Muslim Aid Association sa sjedištem u Sarajevu, raspisuje Javni poziv za podnošenje zahtjeva za dodjelu 16 steonih junica. Projektom su obezbijedena novčana sredstva od strane Grada Zenica i Muslim Aid Association, a u cilju nabavke i dodjele steonih junica pasmine Simental, zemlje porijekla Njemačka, na području Grada Zenica.

II PRAVO UČEŠĆA

Pravo na učešće u Projektu imaju fizička lica (samo jedna osoba iz zajedničkog domaćinstva) čije je prebivalište na području Grada Zenica, a posebno prioritetne kategorije stanovništva - nezaposlene osobe, porodice sa više članova i mlade osobe, a imaju vlastito poljoprivredno zemljište ili zemljište uzeto u zakup u površini od 5 dunuma, i adekvatan stajski objekat lociran u blizini stambenog objekta u kojem isti stanuje. Pravo na učešće nemaju zaposleni u Gradskoj upravi i zaposleni u Muslim Aid Association, kao ni članovi njihove uže porodice (supružnici, roditelji, djeca, ako pripadaju istom domaćinstvu). Pravo na učešće nemaju lica koja su u posljednje tri godine bili aplikanti (korisnici) donacije u zajedničkim projektima između Grada Zenica i Muslim Aid Association.

III USLOVI ZA DODJELU STEONIH JUNICA

Podnosilac zahtjeva treba da ispunjava sljedeće opšte uslove:

1. OPŠTI USLOVI:

Aplikant mora ispunjavati sljedeće opšte uslove kako bi bio uvršten u rang listu potencijalnih korisnika.

1. Da je podnosilac prijave ili član njegove uže porodice vlasnik ili posjednik ili zakupac poljoprivrednog zemljišta u površini od 5 dunuma,
2. Da je podnosilac prijave ili član njegove uže porodice vlasnik ili posjednik stajskog objekta adekvatnog za smještaj grla,
3. Da će sufinansirati 15% od nabavne cijene steone junice (900,00 KM),
4. Da posjeduje u vlasništvu ili u vlasništvu užeg člana porodice najviše dva grla stoke (krave, junice, june/tele, bik),
5. Da obavezno, prisustvuje edukaciji iz oblasti uzgoja goveda u trajanju od dva dana,
6. Da u posljednje tri godine nije ostvario pravo na donacije u zajedničkim projektima između Grada Zenica i Muslim Aid Association.



2. POSEBNI USLOVI:

Na osnovu posebnih uslova će se izvršiti dodatno bodovanje aplikacija.

1. Broj članova zajedničkog domaćinstva,
2. Broj nezaposlenih punoljetnih članova zajedničkog domaćinstva,
3. Broj izdržavanih članova zajedničkog domaćinstva,
4. Evidencija na Birou za zapošljavanje podnosioca prijave ili potvrda da osoba nije poreski obveznik izdat od Porezne uprave Grada Zenica
5. Samohrani roditelji,
6. Mladi bračni parovi do 40 godina,
7. Stajski objekat (zoo higijenski i zootehnički uslovi u stajskom objektu),
8. Socijalni aspekt (stanje na terenu, imovinsko stanje, opšti dojam i sl.)

IV KRITERIJUM ZA BODOVANJA PODNOSTELJA ZAHTJEVA ZA DODJELU STEONIH JUNICA

1. Broj članova zajedničkog domaćinstva,
2. Podnosilac zahtjeva nezaposlen,
3. Izdržavani član zajedničkog domaćinstva (nezaposlene osobe koje se ne nalaze na evidenciji nezaposlenih osoba Biroa za zapošljavanje, djeca, učenici, starije osobe bez evidencije na Birou ili potvrde da osoba nije poreski obveznik izdate od Porezne uprave Grada Zenica),
4. Punoljetni nezaposleni član zajedničkog domaćinstva koji se nalazi na evidenciji nezaposlenih osoba Biroa za zapošljavanje ili ima potvrdu da nije poreski obveznik izdatu od Porezne uprave Grada Zenica,
5. Podnosilac zahtjeva samohrani roditelj,
6. Podnosilac zahtjeva osoba životne starosti do 40 godina,
7. Brojno stanje stoke,
8. Pogodnost smještajnog kapaciteta,
9. Socijalni Aspekt.

V ELIMINACIONI KRITERIJI

1. Mali prostor za držanje stoke (minimalno 6 m² za održavanje stoke)
2. Nedostatak izvora vode
3. Korisnik ne posjeduje prostor za držanje hrane

Ukoliko komisija na terenu ustanovi da aplikant ne posjeduje štalski objekat ili da je štalski objekat neuslovan za držanje stoke, aplikant će biti diskvalifikovan iz dalje procedure odabira. Također, ukoliko komisija ustanovi da je štalski objekat udaljen preko 300m putne komunikacije od mjesta prebivališta kandidata kao i da kandidat posjeduje veću brojnost stoke, isti će biti diskvalifikovan iz dalje procedure odabira.

Kada kandidati pri bodovanju imaju isti broj bodova, prednost će imati kandidati sljedećim redoslijedom: mlade osobe, nezaposleni aplikant, višečlane porodice i samohrani roditelji.



VI OBAVEZNA DOKUMENTACIJA

Podnosioci zahtjeva trebaju priložiti sljedeću dokumentaciju:

1. Obrazac za prijavu na Javni poziv,
2. Dokaz o mjestu prebivališta (CIPS) ili ovjerena kopija lične karte
3. Ovjerena kućna lista, članovi porodice
4. Dokaz o nezaposlenosti svih punoljetnih članova zajedničkog domaćinstva, izdat od Biroa za zapošljavanje (za osobe koje nisu prijavljene na Birou za zapošljavanje (starije osobe) potvrda da osoba nije poreski obveznik izdata od Porezne uprave Grada Zenica,
5. Potvrde iz škole/fakulteta za djecu/izdržavane članove domaćinstva ili kopiju đачke knjižice ili svjedočanstva (za djecu predškolskog uzrasta priložiti fotokopiju kopiju rodnog lista),
6. Uvjerenje ili drugi dokaz o prosječnom prihodu za posljednja 3 mjeseca za svakog zaposlenog člana domaćinstva sa kućne liste tj platna lista ili potvrda iz Firme o mjesečnim primanjima (za penzionere posljednji ček od penzije ili potvrda izdata od banke),
7. Vlasništvo nad parcelom (kopija ZK izvadka ili Posjedovnog lista) ili ovjeren Ugovor o zakupu poljoprivrednog zemljišta sa kopijom ZK izvadka ili Posjedovnog lista, na minimalno 5 godina, ovjerena izjava kojom podnosilac garantuje da obrađuje zemljište od 5 dunuma i da će mu biti dostupno na korištenje u narednih 5 godina.
8. Ovjerena izjava da posjeduje štalski objekat u svom vlasništvu ili vlasništvu užeg člana porodice ili uzet pod zakup u mjestu prebivališta i/ili u neposrednoj blizini mjesta stanovanja,
9. Ovjerena izjava da će korisnik podsticaja dobijeno grlo u vlastitom uzgoju zadržati najmanje 3 godine od dana potpisivanja Ugovora,
10. Ovjerena izjava da će sufinansirati 15% od nabavne cijene steone junice (900,00 KM),
11. Ovjerena izjava da u vlasništvu ili u vlasništvu užeg člana porodice posjeduje najviše 2 grla stoke (krava, junica, june/tele, bik),
12. Ovjerena izjava da će prisustvovati jednodnevnoj edukaciji,
13. Dokaz da je mlada osoba životne starosti do 40 godina (dokazuje se ovjerenom kućnom listom)
14. Dokaz da je samohrani roditelj (Uvjerenje socijalne službe; smrtni list ili neki drugi relevantni dokaz)

Komisija zadržava pravo naknadne provjere dokumentacije, ukoliko sumnja u vjerodostojnost dostavljenih dokumenata, kao i mogućnost naknadne dopune dokumentacije u posebnim slučajevima.

VII PROCEDURA ODABIRA KORISNIKA

Administrativnu obradu zaprimljenih prijava i odabir korisnika u skladu sa Pravilnikom u utvrđivanju uslova, kriterijuma i postupaka za ostvarivanje prava na dodjelu steonih junica kroz projekat “ Smanjenje siromaštva kroz donaciju steonih junica za 16 porodica nastanjenih na području Grada Zenica“, provest će Komisija za odabir korisnika za dodjelu steonih junica na osnovu uslova i kriterija iz Pravilnika.

Komisiju za bodovanje i utvrđivanje krajnjih korisnika za dodjelu steonih junica čine najmanje tri člana od koji su dva člana predstavnici Grada Zenica a jedan član humanitarne organizacije Muslim Aid Association.



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Zadatak Komisije je da:

- Pregleda prispjele prijave,
- Evidentira kandidate koji ispunjavaju uslove iz Javnog poziva,
- Obavi uviđaj na licu mjesta,
- Izradi zapisnike i sačini liste krajnjih korisnika, na osnovu utvrđenih kriterija za bodovanje,
- Dostavi liste Gradonačelniku.

Saglasnost na predloženu listu kandidata daje Gradonačelnik. Rang lista odabranih korisnika će biti objavljena na oglasnoj tabli Grada Zenica i službenoj web stranici Grada i dostavlja se Muslim Aid Association na za dalju proceduru.

Podnosioci prijava mogu uložiti prigovor na preliminarnu listu, uz odgovarajući dokaz, u roku od 7 (sedam) od dana objavljivanja preliminarne liste.

Prigovor se podnosi u pisanoj formi Komisiji za rješavanje prigovora po Javnom pozivu putem Službe za privredu, gradsku imovinu i upravljanje razvojem. Komisiju iz prethodnog stava ovog člana formira Gradonačelnik na prijedlog Službe za privredu, gradsku imovinu i upravljanje razvojem. Nakon razmatranja prigovora, Komisija sačinjava konačnu listu te istu dostavlja Gradonačelniku na potpis.

Na osnovu konačne liste zaključit će se tripartitni ugovori između NVO Muslim Aid Association, Grada i odabranih korisnika kojim će biti regulisana međusobna prava i obaveze učesnika u ovom Projektu.

VIII NAČIN I ROK PODNOŠENJA PRIJAVA

Prijave na Javni poziv dokumentacijom se dostavlja u zatvorenoj koverti na Protokol Grada Zenice ili preporučeno putem pošte, na adresu:

GRAD ZENICA
Služba za privredu, gradsku imovinu, upravljanje razvojem
Trg BiH 6
72 000 Zenica Bosna i Hercegovina

Sa naznakom: “Prijava na Javni poziv dodjele steonih junica – „NE OTVARATI”

Prijavni obrazac sa Upitnikom za korisnike, kao i obrazac „IZJAVA“ (za uslove iz člana VI tačka 8,9,10,11 i 12), mogu se preuzeti na info pultu Grada Zenica i službenoj web stranici www.zenica.ba.

Rok za predaju prijava je 15 dana od dana objave ovog Javnog poziva na službenoj web stranici www.zenica.ba, te na oglasnoj tabli Grada Zenica.

Sve dodatne informacije mogu se dobiti u službi za Privredu, gradsku imovinu i upravljanje razvojem u Gradskoj Upravi Zenica na broj telefona 032/447-706 svakim radnim danom od 07:30-16:00 sati.

Nepotpune i neblagovremene prijave neće se uzeti u razmatranje.

GRADONAČELNIK

Fuad Kasumović